



**ATASSUT**

**UPA 2017/61**

**Mala Høyt Kúko**

**04. Maj 2017**

**Tasiilami inunnik isumaginninnikkut pissutsit pitsanngorsarneqarnissaat qularnaarumallugu 2018-mut aningaasanut inatsisissamut atatillugu 2018-mi ukiunilu missingersersuusiorfisuni ukiumut 5 millioner koruuninik immikkoortitsisoqartarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniut ingerlanneqassaaq Kommuneqarfik Sermersooq qanimut ataqatigiissaareqatigalugu.**  
(Inatsisartunut ilaasortat Randi Vestergaard Evaldsen aamma Justus Hansen, Demokraatit)

Inatsisartunut ilaasortat Demokraatineersut ATASSUT-minngaaniit qujaffigigalugit siunnersuutaat imaattumik oqaaseqarfigissavarput.

ATASSUT-minngaaniit ilisimaarilluinnarlugu Tasiilami pissutit amerlasuutigut assigiinngitsutigut pissutsit aallaavigalugit pilersinnaqartartut, aningaasatigut iliuseqarniarlutik siunnersuuteqartoqarmat nuannaarutigalugu oqaatigissuarput.

Ukiuni kingullerni pisartut sakkortuut unitsitassaangitsutut isikkoqalersinnaasutut isigineqarsinnasut iliuseqarfigineqarsinnaasariaqavissutut isigisagut piffissaagallartillugu qaangiuttoortinnata iliuseqarfigigutsigit tamatsinnut iluaqutaassaaq. Minnerunngitsumillu meerartatta siunissaanut pitsaasumik alloriartoqarnissaanut akisussaassusilimmik aqutissiusseqataanissatsinnut pisussaaffittut tigullugu iliuseqataasariaqarpugut.

Ukiunimi kingullerni pisut inersimasut amerlanerpaatigut imigassamik atuisimaneratigut pissusilersuutit meerartatsinnik kingornuteqqinneqassanngippata aningaasanik immikkoortitsinikkut pinaveersaartitsinnaavugut. Kommuneqarfik Sermersooq soorunalimi tamasuminnga suleqatigilluinnarlugu suliaq ingerlanneqartariaqartoq ATASSUT-miinngaaniit isumaqarpugut.

Soorunalimi Naalakkersuisut naalakkersuisoqarfimmikkut assigiinngitsutigut iliuseqarnerat suliniuteqarnerat nuannaarutissaapput qujassutissaallutillu. Kisianni Demokraatit oqarneratuut tamakkua iliuitsit naammanngissinnaanerat ATASSUT-minngaaniit isumaqataaffigaarput. Pisummi annersaanerit, imminornerit, pinngitsaalinerit, tillinniarnert, annilaangatitsinerit ila taakkartorneqarsinnaasut amerlagaluaqaat. Illoqarfiullu nunaqarfittaasalu meerartaasa ulluinnarsiutigivaat ulluinnarni pisartut sakkortuut tusarneqartarnerannik. Pissutsit sakkortuut meeqqat tusartuugaat inersimasunngornissaminnut ingerlanneqaqqissanngippata, politikkeritut pisussaaffeqarpugut pitsaanerpaamik meeqqat atugassaqartinnissaannik ujartuinissatsinnik.

Periarfissanimmi ajornartorsiutaasut illuatungilerniarlugit ujartuineq innuttaassunut meerartanullu aningaasanik aamma naleqartuaannarmat ATASSUT-minngaaniit siunnersuuteqartut tamakkiiisumik taperserlugit oqaaatigissuarput.

ATASSUT-minngaaniit isumaqarpugut ajornartorsiutit inersimasut pilersitaat meeqqanut akilerneqassanngitsut, kisianni uagut inersimasut akisussaaffeqarluarluta aaqqiissutissanik suleqatigiinnikkut ujartuiuartassasugut.

Taamatut naatsumik oqaaseqarluta ATASSUT-miit ataatsimiititaliamut susassaqtunut ingerlanneqarnissaa kissaatigaaarput, ataatsimiititaliamilu eqqartorneqartuarnissaa neriuutigaarput. Qujanaq!